



[www.BibleForChildren.org](http://www.BibleForChildren.org)




Yaolhaq 14



Yeiqsul aqyu juq bhai ge bhiq-a nail: "Nul juq nail  
neema bhai haq aoq thaq nl. Miqyail bhai neema thaq  
tsaol yaoq, ngaq bhai iqsanl neema thaq tsaol yaoq.  
Ngaq nail Aqbhu nail ilkhaol bhai jaol duq jiav gao  
nail ngaol.



Ngal nul juq nail haqbhoil jaol duq lav sav lai naol.  
Jaol duq maq jiav-ail nul neq, maq jiav-ail dai, ngal  
daol coev dai, ge bhiq nail ngaol. Ngal jaol duq lav sav  
gaq-u phao, nul juq bhai gaoq hevq lee khi, ngaq-ai  
nee mail bhi jaol lal naol."



Ngal neq, nul juq nail aqivq jaqbheq Yaol haq  
ngaol. Khoeq nail pha q bhai maqkhaiq, Miqyail  
Milkhaoq bhai maqkhaiq, ol nail pha q



bhai maqkhaiq,  
Yeiqsul nail  
lavqkhoel ngal nul  
juq nee mail daq  
thail thaiq nail ngaol.




Ngal Miqyail nail daoq cavq cavq ail, Yeiqsul nail  
ganl salkhil khanq nail bhaq da nee, Bhaqmol  
khul nail eel jaollaol-n bhai bhi nieil

dai aivq-a nail ngaol.



Aq-u phao, teevq pov taivq-ail, Aqhaqlal Miqyail ngaq  
bhai uv thaiq lee-a nail ngaol. Hel daiq dei-eiq. Nqtavq  
kovtavq bhair doiqbev bev ma jlav nail bhair maqkhaiq,  
doiqbev bev ma al bhair teevq gaq jaol deel-nvq thaq  
nail bhair maqkhaiq, ngal  
ya moel-a nail ngaol.



A bhai nee ngal-aq, nqtavq kovtavq bhai jaol nail juq  
maqkhaiq, miltsaq bhai jaol nail juq maqkhaiq,  
miltsaq kov-uvq bhai jaol nail juq  
maqkhaiq, iqyaaq iqma bhai jaol  
nail juqmaqkhaiq, al juq iqsanl  
mail niail hai ge nail bhai ngal  
ya gaiq-a nail ngaol:




“Joiqjaq doiqbev bev ma bhai jaol deel-nvq  
thaq nail gaq bhai maqkhaiq, Yaolyaq bhai  
maqkhaiq, nqmaq maqluv halyeel  
tsiq eeq nail phaqaq, ev nail phaqaq,  
seiqlaiq khaoqsail khi mail uv  
thaiq nail bhaqaoq jiav dei-eiq”  
dai, aqyu juq gul nail ngaol.






Aq-u phao, meeq nail haol nail Yeiglulsaqlaiq meenq  
aqshivq Miqyail jaol nail nqtavq kovtavq nee yavq kha  
lee thail thaiq nail bhai, ngal ya moel-a nail ngaol.  
Meenq al meenq neq, maol ail nail yaqmai-aq yaqnoil  
khe-ai,  
aqmeeq-ai  
lainq-ai thaq  
nail ngaol.




Doiq bev bev ma nee mail, kav dee dee nail aqthel gul  
dov-ai leevq nail bhai, ngal ya gaiq-a nail ngaol. Aq  
thel al neq, niail hai gul nail ngaol: "Hel daiq dei-eiq.  
Miqyail nail jaol duq tsaol-aq jaol nail bha jiav lee khi,  
aivq tsaol-aq yaq nee mail jaol nail ngaol. Aqyu juq


neq, Miqyail  
nail tsaol-aq  
pevq khi,  
Miqyail iqsanl,  
aqyu juq nee mail  
jaol nail ngaol."



A bhai nee ngal-aq, nqtavq gaqkhoel al gaq, aqdoevq  
bhi doevq nail laoljaol ngaq bhai cavq naq lavq-a nail  
ngaol. Miqyail khi Yaolyaq nail joiq jaq doiqbev nee il  
dov lee khi, sainl khe-ai dul nail haol taiv deel laoljaol  
pevq nail ngaol.



Meenq al meenq nail lavqkhoel bhai nlma nail aqbhaq khi bhala nail aqbhaq maq loq-ail. Khul khi mail dai ngal-aq neq, Miqyail nail seiqleiq khaoqsail meenq al meenq bhai aqbhaq bhaq khi, Yaolyaq neq, meenq al meenq nail phalmanq pevq nail ngaol.



Aqjiivq aq cavq khul pha q maqkhaiq, meenq al meenq  
bhai maq ya oil bhoel laivq-ail. Aqjiivq aq cavq pha q  
nl-a nail tsaol-aq khi goiqbhaoq  
bhaoq-a nail tsaol-aq khul  
gaq maqkhaiq, meenq al  
meenq bhai maq ya aol  
lai-ail. Yaolyaq nail  
aqdoevq bhi doevq nail  
haoqqavq phaldoiq  
lavqkhoel bhai aqmil  
gevg bhoel-ai tha q nail  
tsaol-aq taivq-ail, ya aol  
lai nail ngaol.




“Aivq aqyu juq nail maivbhil  
iqsanl mail siv bhiq nail ngaol.  
Sil nail phaqa maq jiav yaoq-aol.  
Noeq haq nail phaqa, nioil khaqq  
khaqq nail phaqa, nal nail goel  
nail phaqa, niil juq iqsanl maq  
jiav yaoq-aol. Khul khi mail dai  
ngal-aq neq, iqmoeq-u phao  
jiav-a nail juq peivq gil ail-aqq  
nail ngaol” dai, ge nail ngaol.




Niai nee pultavq neq, khul phaq maqkhaiq ivqkhail  
yavq nail bhai maq ya daq yaoq-aol. Meenq al meenq  
bhai Miqyail khi Yaolyaq nail joiq jaq doiqbev bev ma  
jiav khi, aivq nail yaqkav juq aivq bhai uqhuq thaoq  
nail ngaol.

Aqyu juq aivq nail  
maivphaoq bhai ya  
moel khi, aqyu juq  
nail neeqthel  
bhai aivq nail  
aqmil gevq-ai  
thaq nail ngaol.




Sil-a nail eeq yaq nil yaq iqsanl mail, doiqbev bev ma  
al nail sivtavq bhai thul phaol-nvq thaq nail bhai, ngal  
ya moel-a nail ngaol. Aq-u phao, haoqqavq juq phao-ai  
thaq nail ngaol. Aq doevq bhi doevq nail haoqqavq  
phaldoiq iqsanl phao-ai thaq nail ngaol.

Sil-a nail tsaol-aq juq-i mail nl-a hal-a  
nail juq, haoqqavq al juq nail  
lavqkhoel bhai gevq bhoel-ai  
thaq nail khe-ai, gevq  
bhoel-ai thaq nail al  
juq bhai hel daiq hel  
daiq ail, aqyu juq bhai  
yalkhaq dal bhiq  
nail ngaol.






Aq doevq bhi doevq nail haoqqavq phaldoiq lavqkhoel  
bhai aqmil maq gevq bhoel-ai thaq nail tsaol-aq iqsani  
bhai, miqjaq nail ngaqkha bhai, bavqpuvq  
nail ngaol.



Aqhaqlal Miqyail khi, maol ail nail dai, lainq-ai thaq  
nail yaqmai-aq al gaq, "Lal yaoq" dai, khul nail ngaol.  
Khal ya gaiq-a nail tsaol-aq juq iqsanl mail "Lal yaoq"  
dai, khul nail ngaol. Ulcuvq khal moevq nail tsaol-aq lal  
yaoq. Khal daol movq nail tsaol-aq juq aqdoevq bhi

doevq  
nail ulcuvq  
aqnieivq ail  
daol lal yaoq.



Yeiqsul gaoq ge nail: Miqyail miltsaq  
yaq bhai gaiq-a dee dee nail ngel-i mail,  
aivq nail Yaqyov teevq gaq teevq-eel  
ngaol-aog, bivq lavq-a nail ngaol.  
Yaqyov bhai neema khal thaq tsaol  
nail tsaol-aq maq ya cov ail nail  
nee ovqtavq, nqmaq maqluv  
halyeel ya doevq  
nail ngaol.



Lolmav 3:23 Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqleiq khaoqsail bhai maq ya nia-ail.

Lolmav 6:23 Oeqbal nail aqphoiq neq, ya sil nail ngaol. Thail hai ngaol-aq, Miqyail-i mail ngadao bhai aqnieivq ail bivq lavq-a nail kovpavq neq, ngadao nail Heeqphaq Yeiqsul Khali bhaq da nee, nqmaq maqluv halyeel ya doevq nail ngaol.

Heiqbhail 9:27 Ngadao tsaol-aq teevq pov ya sil khi, yaqhao yalkhaq dal nail bhai ya daq nail ngaol.



Eilpheilsu 2:8,9 Nul juq neema thaq tsaol nail lavqkhoel Miqyail nail geeqlaoq eel jaol bhaq da nee, hevq kovq nail pha q ya-a nail ngaol. Yovqgavq bhai yovqgavq nl-a hal-a nail bhaq da nee ya-a nail maq ngel-ail. Miqyail-i mail bivq lavq-a nail kovpavq ngaol. Nl nail hal nail bhaq da nee ya-a nail maq ngel-ail. Al heel ngel-i mail, tsaol-aq teevq gaq iqsanl neema eeq duq maq jiav-ail.

Lolmav 10:9,10 "Yeiqsul neq, Heeqphaq ngaol" dai, naoq nail moeqthaoq khanq khi, "Miqyail aivq bhai bhi doevq kovq lal-a nail ngaol" dai, naoq nail neema lavqkhoel nee, neema thaq tsaol haq neq, Miqyail naoq bhai hevq kovq lavq nail ngaol. Neema lavqkhoel nee, neema thaq tsaol nail ngel-i mail, Miqyail nail sivtavq bhai tsaq nail daol nail tsaol-aq pevq lal khi, moeqthaoq khanq-a nail ngel-i mail, hevq kovq nail pha q ya-a nail ngaol.



Yaolhaq 3:16,17 Yeiqsul gaoq ge nail: "Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aog, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

Khul khi mail dai ngal-aq neq, miltsaq yaq bhai yalkhaq bhi dal nail dai khi, Miqyail aivq nail Yaqyov miltsaq bhai bhi lee-a nail maq ngel-ail. Miltsaq yaq bhai bhi hevq kovq lee-a nail ngaol."



1 Yaolhaq 5:11-13 Miqyail salkhil khanq nail al neq, ngadao bhai nqmaq maqluv halyeel doevq nail phaqa bivq lavq-a nail ngaol. Nq maq maq luv hal yeel doevq nail al neq, aivq nail Yaqyov nail lavqkhoel bhai aol nail ngaol.

Yaqyov bhai hav bhoel nail tsaol-aq, doevq nail phaqa ya nail ngaol. Yaqyov bhai maq hav bhoel nail tsaol-aq, doevq nail phaqa maq ya-ail.

Miqyail nail Yaqyov nail aqmil bhai neema thaqa tsaol nail nul juq, nqmaq maqluv halyeel doevq nail phaqa ya nail ngaol dai, nul juq ya heeq kivq dai, ngal nul juq bhai haoqqavq niil gevq bhoel-ai leevq-a nail ngaol.



Yaolhaq 14; 2 Gaolliqthu 5; Phaodaiq 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Akeu Bible (aeu) © 2016, Wycliffe Bible Translators,  
Inc. All rights reserved.

<https://live.bible.is/bible/AEUWBT/GEN/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

